

Visoki predstavnik Schmidt se sastao sa rukovodstvom savezne države Schleswig-Holstein



Na poziv premijera Daniela Günthera, visoki predstavnik Christian Schmidt se sastao sa rukovodstvom savezne države Schleswig-Holstein. Tokom razgovora, visoki predstavnik je upoznat sa činjenicom da njegovi sagovornici imaju priličnu dozu zabrinutosti u vezi sa situacijom u Bosni i Hercegovini, posebno u Republici Srpskoj.

Također se razgovaralo i o njegovom najavljenom ranom odlasku sa pozicije visokog predstavnika, što je primljeno sa žaljenjem i zabrinutošću, posebno u svjetlu eventualnih posljedica po stabilnost i transparentnost izbora zakazanih za 4. oktobar.

U Schleswig-Holsteinu, koji ima veliko iskustvo u integraciji danskog i frizijskog stanovništva, kao i manjina poput Bošnjaka, Roma i drugih, visoki predstavnik je pozvao na daljnju saradnju s Bosnom i Hercegovinom i njenim općinama. Posebno je spomenuta vrlo dobra saradnja između povjerenika za pitanja manjina Johannes Callsen i grada Bijeljine. Schmidt je izrazio zahvalnost na podršci koju vlada savezne države Schleswig-Holstein pruža Bosni i Hercegovini.

Na sastanku sa ministricom za evropske poslove Schleswig-

Holsteina, Cornelijom Schmachtenberg, visoki predstavnik je govorio o kontinuiranoj podršci putu Bosne i Hercegovine ka evropskim integracijama.

Visoki predstavnik Schmidt je dodatno naglasio važnost nastavka podrške onim subjektima u Bosni i Hercegovini koji rade zajedno s građanima i predstavljaju njihove interese, kao ključnim pokretačima ove zemlje na njenom putu ka članstvu u Evropskoj uniji – putu koji je trenutno u blokadi od strane destruktivnih snaga unutar zemlje.